



Broj: 07-SL/16

Sarajevo 23.02.2016. godine

## SKUPŠTINA KANTONA SARAJEVO

### Služba za skupštinske poslove

**Predmet:** Odgovor na zastupničko pitanje

Zastupnik Eldar Čomor, na Jedanaestoj Radnoj sjednici Skupštine Kantona Sarajevo održanoj 01.02.2016. godine u okviru tačke Dnevnog reda "Poslanička pitanja, inicijative i odgovori" a u skladu sa Poslovníkom Skupštine Kantona Sarajevo pokrenuo je zastupničku inicijativu"

Poslije agresije na BiH, u Kantonu Sarajevo su se u dva navrata djelile donacije, a poslije potpisivali tzv. Poljoprivredni krediti u vidu dodjele krupne stoke (krava) građanima koji su bili zainteresirani za razvoj stočarstva, te je to nakon agresije bio jedan od osnovnih načina obezbjeđenja egzistencije stotinama porodica u KS, a posebno u prigradskim općinama Ilijaš, Vogošća, Ilidža, Trnovo i Hadžići.

Jedan dio dodjeljene stoke je uginuo, jer se ista nije uspjela na adekvatan način adaptirati na naše podneblje, a ono što je ostalo, postaje problem ovih građana sa kojima se oni suočavaju već dugi niz godina, što se ogledava u donošenju velikog broja sudskih presuda na štetu korisnika, žiranata itd. Ministarstvo privrede je ovo tretiralo kao poljoprivredni kredit, a ministarstvo finansija je angažiralo IntesaSanpaolo Banku kao agenta naplate. Intesa Sanpaola banka je pokrenula niz sudskih procesa, te zatražila, a u tome putem, suda i uspjela da se imovina građana (pokretne i nepokretne) stavi pod hipoteku, te su u grunтовnici stavljenе kuće i zemljišta zabilježbe ZK izvodi, tj teret u C listu ZK izvodka. Na kraju je cijena jedne krave izašla pet puta veća u odnosu na onu koja je bila u periodu dobijanja istih.

Zbog toga što se i dalje radi o stotinama porodica koje vrlo teško žive (uglavnom su to porodice šehida, poginulih, demobilisanih boraca, ratnih vojnih invalida, porodica logoraša itd.) ovom inicijativom

tražim od Vlade Kantona Sarajevo, i nadležnenih ministarstava da se:

-Odmah prekine progon navedenih kategorija od strane Intesa Sanpaolo Banke do rješenja problema

- Da ministarstvo privrede i ministarstvo Finansija dostave u što kraćem roku informaciju o navedenom problemu Skupštini Kantona Sarajevo ponude adekvatno rješenje u vidu: otpisa nenaplativih dugova, da oni koji su u mogućnosti plate samo vrijednost krave i eventualno sudskih troškova uz otpis kamata, da se skine teret sa njihove imovine (u kojoj žive i od koje preživljavaju), ili na drugi Zakonom utemeljen način.



**Odgovor:**

Ministarstvo privrede je u periodu 1999. - 2000. tehnički izvršilo realizaciju projekta dodjele steonih junica na kreditnoj osnovi na period otplate kredita od 5 godina od čega je prva godina bila grejs period. Svi korisnici su potpisali ugovor i istima su predloženi uslovi dobivanja junica na kredit sa pripadajućom kamatom i da ukupna zaduženost sa kamatom za jednu junicu iznosi 1914,00 KM. Korisnike kredita su izabrale općinske službe nadležne za poljoprivredu i dostavile ovom ministarstvu.

Ugovor o ustupanju bankarskih poslova prikupljanja novčanih sredstava od poljoprivrednika potpisali su 21.09.1999 godine Ministarstvo finansija Kantona Sarajevo i Upi Banka d.d. Sarajevo danas Intesa Sanpaolo Banka, a kao supotpisnik ovog ugovora bilo je Ministarstvo privrede Kantona Sarajevo.

U vašoj inicijativi pominjete da je jedan dio steonih junica uginuo, te ovom prilikom želimo da vas informišemo da su junice provele u karantinu 30 dana i da su nad njima provedene u skladu sa zakonom sve veterinarske mjere, kao i da su došle sa područja Njemačke u kojoj je klima slična našoj.

Za Vašu informaciju ukoliko se slučajno desilo da je neka junica i uginula, iste su za prvu godinu bile osigurane, te su korisnici kredita istu uz veterinarski nalaz trebali prijaviti osiguravajućoj kući koja bi im nadokladila štetu. Takođe želimo da vas informišemo da je ovo projekat EU koja je tačno odredila uslove pod kojima su korisnici mogli steone junice zadužiti, i da način na koji su junice dijeljene nije bila volja ovog ministarstva. Projektom je predviđeno da to budu revolving sredstva koja će se ponovo ulagati u poljoprivredu. Komisija formirana od strane EU je nakon realizacije projekta pregledala kompletnu dokumentaciju i sva dokumentacija im je dostavljena u jednom primjerku, ista nije imala primjedbi na realizaciju projekta.

Smatramo da Vaš prijedlog da ovo ministarstvo i ministarstvo finansija ponude adekvatna rješenja nema pravne osnove, naime procesi utuženja i sudskih održavanja ročišta traju 10 godina. Korisnici kredita su na vrijeme opominjani od strane banke da izvrše povrat kredita kada je on zajedno sa kamatama iznosio 1914,00 KM, isti su se na sve opomene oglasili.

Napominjemo da **član 1. stav 2. alineja 7.** Ugovora o ustupanju bankarskih poslova prikupljanja novčanih sredstava od poljoprivrednika, a po osnovu nabavke i distribucije steonih junica u u Kantonu Sarajevo, zaključen 1999. godine između Ministarstva finansija Kantona Sarajevo i UPI Banke d.d. Sarajevo a sada Intesa Sanpaolo Banke, Kantonu Sarajevo **pravno ne dozvoljava OTPIS** dugova po osnovu gore pomenutih kredita, jer isti glasi:

**"u slučaju kašnjenja otplate kredita krajnjeg korisnika, Banka poduzima sve zakonske mjere u cilju naplate"**

S poštovanjem,

  
**MINISTAR**  
  
**Dr. Muharem Šabić**

Dostavljeno:

1. Naslovu,
2. Evidencija,
- 3.a/a



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

